



de Bande. Linderos según hoja de tasación: norte, zona sin cartografía (lugar O Viñal) y camino de acceso y Gumersindo Dafonte González (33,34%), M. Flores Dafonte González (33,34%) y José Manuel Dafonte González (33,34%) (773); sur, Claudina Fernández Fernández (775); este, zona sin cartografía (lugar O Viñal) y camino de acceso, Manuel Álvarez Vidal (776) y Gumersindo Dafonte González (33,34%), M. Flores Dafonte González (33,34%) y José Manuel Dafonte González (33,34%) (773) y oeste, zona sin cartografía (lugar O Viñal).

Está gravada con un regato que la atraviesa, según el título de propiedad. De acuerdo con la hoja de tasación, la atraviesa un pequeño canal encajado en un murete de hormigón en masa y que luego continúa hacia el este, ya fuera de la finca. A dicho canal desemboca un caño situado por debajo del camino de acceso y que procede de la calle en la que se toma el citado camino de acceso.

Superficie título concentración parcelaria: 560 m²; Superficie certificación catastral descriptiva y gráfica: 544 m²; Referencia Catastral: 32007A502007740000ZY; 1.060,73 €; Bande; 11722; 322; 79; 160; 1.^a

El delegado de Economía y Hacienda. Fdo.: Javier García Rodríguez.

R. 1.568

IV. ENTIDADES LOCAIS IV. ENTIDADES LOCALES

Celanova

Anuncio

Por acordo da Xunta de Goberno de data 29 de maio de 2017, aprobáronse as bases xerais e específicas para a contratación laboral temporal a tempo completo dun/dunha traballador/a desempregado/a para a realización da obra/servizo “animador/a turístico para a oficina de turismo de Celanova”, polo sistema de concurso-oposición, así como a constitución da bolsa de traballo.

Así mesmo, achéganse as bases reguladoras das probas selectivas:

Bases xerais e específicas para selección e posterior contratación laboral temporal, a tempo completo, dun/dunha traballador/a desempregado/a para a realización da obra/servizo “animador/a turístico para a oficina de turismo de Celanova”, polo sistema de concurso-oposición.

A) Bases xerais.

Primeira.- Obxecto da convocatoria.

1. É obxecto da presente convocatoria a contratación laboral temporal, a tempo completo, dun/dunha traballador/a desempregado/a para a realización da obra/servizo “animador/a turístico para a oficina de turismo de Celanova”, cunha duración dende o 15 de xuño de 2017, ou data de alta na Seguridade Social ata o 15 de setembro de 2017, ao abeiro da Resolución do 29 de decembro de 2016, da Axencia Turismo de Galicia, pola que se establecen as bases reguladoras para a concesión, en réxime de concorrencia non competitiva, de subvencións a concellos para o apoio, promoción e difusión das festas declaradas de interese turístico de Galicia, e se procede á súa convocatoria para o ano 2017.

2.- A contratación laboral temporal a tempo completo para obra ou servizo determinado, en xornada de oito (8) horas diarias, coa categoría profesional de animador/a e turístico, cunha duración ata o 15 de setembro de 2017 e unha retribución de mil trescentos cinco euros con cincuenta céntimos

(1.305,50 €) mensuais brutos, incluíndo a parte proporcional das pagas extraordinarias, suxeitarse ao previsto no artigo 15 do Estatuto dos Traballadores e demais disposicións de aplicación.

Segunda.- Condicións dos aspirantes.

1.- Para seren admitidos á realización das probas selectivas os aspirantes deberán reunir os seguintes requisitos, ademais dos que se establezan nas respectivas bases específicas para o ingreso no posto de traballo convocado:

a) Ter nacionalidade española. Non obstante, teranse en conta os seguintes supostos:

1. A poboación nacional dos demais estados membros da Unión Europea poderá acceder, en idénticas condicións que as persoas de nacionalidade española, á función pública investigadora, docente, de correos, sanitaria de carácter asistencial e aos demais sectores da función pública aos que, segundo o dereito comunitario, lles sexa aplicable a libre circulación de traballadores/as.

2. A poboación nacional de aqueles estados aos que, en virtude de tratados internacionais subscritos pola Unión Europea e ratificados por España, sexa aplicable a libre circulación de traballadores/as nos termos en que esta estea definida no tratado constitutivo da Unión Europea.

b) Posuír a capacidade funcional para o desempeño das tarefas.

c) Ter cumpridos dezaseis anos e non exceder, se é o caso, da idade máxima de xubilación forzosa.

d) Non ter sido separado mediante expediente disciplinario do servizo de calquera das administracións públicas ou dos órganos constitucionais ou estatutarios das comunidades autónomas, nin atoparse en inhabilitación absoluta ou especial para empregos ou cargos públicos por resolución xudicial, para o acceso ao corpo ou escala de funcionario, ou para exercer funcións similares ás que desempeñaban no caso do persoal laboral, no que tivera sido separado o inhabilitado. No caso de ser nacional doutro Estado, non atoparse inhabilitado ou en situación equivalente nin ter sido sometido a sanción disciplinaria ou equivalente que impida, no seu estado, nos mesmos termos o acceso ao emprego público.

e) Posuír a titulación esixida (ver base específica segunda). Enténdese que se está en posesión da titulación esixida cando se tiveran aboado os dereitos correspondentes para a súa expedición.

No caso de titulacións obtidas no estranxeiro deberá acreditarse que se está en posesión da correspondente homologación expedida polas autoridades educativas pertinentes. A posesión da titulación acreditarase coa presentación do título expedido ou do xustificante de ter pagado as taxas correspondentes para a súa expedición para o caso de non se ter realizada esta no momento da presentación da solicitude.

f) Ser persoas desempregadas inscritas no Servizo Público de Emprego de Galicia como demandantes non ocupados e estar dispoñibles para o emprego.

2.- Os anteriores requisitos deberán cumprirse tanto no momento da selección como no da formalización do contrato de obra ou servizo determinado (interese social).

Terceira.- Presentación de oferta de emprego.

O Concello de Celanova solicitará o/a traballador/a que se necesita mediante a presentación de oferta de emprego na Oficina Pública de Emprego de Celanova, no modelo normalizado para o efecto. A solicitude realizarase na oficina de emprego ao terceiro día hábil seguinte ao de publicación das presentes bases no Boletín Oficial da Provincia de Ourense.



A selección levarase a cabo no lugar, día e hora que se especifique mediante anuncio que se inserirá no taboleiro de edictos do Concello cunha antelación de dous días hábiles, unha vez que se reciba a contestación á oferta pública de emprego enviada á Oficina Pública de Emprego de Celanova, e terá lugar unicamente entre os/as candidatos/as propostos por esta, que en ningún caso poderán ser inferior a dúas persoas. A remisión de novos candidatos só procederá cando a entidade xustifique documentalmente a súa necesidade por incumprimento dos requisitos da oferta ou por rexeitamento voluntario ou incomparecencia dos remitidos.

O día da selección os candidatos comparecerán co DNI/Tarxeta de residencia, título académico requirido nas bases específicas e a documentación acreditativa dos méritos que reúnan.

Cuarta.- Tribunal cualificador.

O tribunal cualificador estará constituído da seguinte forma:

- Presidente: o xestor cultural do Concello de Celanova.
- Vogais: tres funcionarios ou persoal laboral do Concello ou doutros concellos.

- Secretario: o da Corporación ou funcionario en quen delegue, con voz pero sen voto.

Seralles de aplicación aos tribunais o previsto nos artigos 23 e 24 da Lei 40/2015, do 1 de outubro, de réxime xurídico do sector público, en canto á abstención e á recusación.

Quinta.- Características das probas.

O procedemento de selección será o concurso-oposición. A fase de oposición, consistirá nunha proba escrita en relación cos recursos turísticos do Concello e nunha proba práctica, segundo a natureza e funcións do posto de traballo que se vai desenvolver de acordo coas bases específicas. Na fase de concurso comprobaranse e cualificaranse os méritos alegados polos aspirantes. A proba escrita e a proba práctica que deberán realizar os aspirantes no proceso selectivo e os méritos a ter en conta, de ser o caso, na fase de concurso determinanse e describíense nas bases específicas.

Sexta.- Relación de aprobados.

A puntuación final do proceso será a suma da puntuación obtida na fase de concurso e na fase de oposición.

Rematada a cualificación, o tribunal publicará no taboleiro de anuncios do Concello as puntuacións obtidas polos/as aspirantes e a proposta á Alcaldía da contratación daquel/a que obtivera a máxima puntuación.

A proposta elevada polo tribunal cualificador terá tamén a consideración de bolsa de emprego para futuras contratacións cando as necesidades do servizo o requiran.

Sétima.- Incidencias.

O tribunal queda autorizado para resolver as dúbidas que se presenten e tomar os acordos necesarios para a boa orde do concurso-oposición en todo o non previsto nas bases.

B) Bases específicas.

Un/unha (1) traballador/a a tempo completo para a ocupación de animador/a turístico para a realización da obra/servizo "animador/a turístico para a oficina de turismo de Celanova".

Primeira.- Número de traballadores para contratar, caracterización do contrato de traballo e cometidos.

1.- Número de traballadores/as para contratar: un/unha (1).

2.- Caracterización do contrato de traballo

Tipo de contrato; Ocupación; Retribucións salariais mensuais (incluída a parte proporcional das pagas extraordinarias); Tipo de xornada; Duración do contrato

Obra ou servizo (interese social); Animador/a turístico; 1.305,50 €; Xornada completa; Ata o 15 de setembro de 2017

3.- Cometidos: son cometidos para realizar polo/a traballador/a o desenvolvemento das funcións propias dun/dunha animador/a turístico e, en particular, a atención ás visitas guiadas ao Mosteiro, promocionar o turismo de Celanova e colaborar coas actividades propostas dende o departamento de Cultura do Concello.

Segunda.- Requisitos específicos dos aspirantes.

Ademais das condicións xerais sinaladas na base segunda das bases xerais os aspirantes deberán reunir os seguintes requisitos:

- Técnico superior en información e comercialización turística ou técnico superior en guía, información e asistencia turística; Técnico en empresas e actividades turísticas, ou grado ou diplomado/a en turismo ou equivalente homologado. Cando se aleguen equivalencias de títulos achegarse no seu día certificado para o efecto da Consellería de Cultura, Educación e Ordenación Universitaria. No caso de titulacións obtidas no estranxeiro, deberán posuír o documento que acredite fidedignamente a súa homologación.

Terceira.- Sistema de selección.

Establécese como sistema de selección o concurso-oposición.

Cuarta.- Desenvolvemento do concurso-oposición: méritos para alegar na fase de concurso e exercicios da fase de oposición.

O tribunal seleccionará aos/as aspirantes propostos pola Oficina Pública de Emprego de Celanova en contestación á oferta de emprego presentada con suxeición ás seguintes bases específicas:

Fase de concurso.

A esta fase correspóndelle unha puntuación máxima de 8 puntos, non sendo eliminatoria. Só se valorarán os méritos correctamente achegados o día da selección sen que poida ser obxecto de emenda ou corrección a documentación presentada.

A) Servizos prestados:

A puntuación máxima por este apartado será de 3,50 puntos.

- Por servizos prestados en posto de animador/a turístico, como persoal funcionario ou persoal laboral, a tempo completo, en oficinas de turismo dependentes de corporacións locais: 0,25 puntos por mes completo de servizos prestados ata un máximo de 3,50 puntos, rexeitándose fraccións ou meses incompletos.

- Por servizos prestados en posto de director/a ou docente, como persoal funcionario ou persoal laboral, a tempo completo, en obradoiros de emprego dependentes de corporacións locais relativos a xestión turística: 0,25 puntos por mes completo de servizos prestados ata un máximo de 3,5 puntos, rexeitándose fraccións ou meses incompletos.

- Por servizos prestados como alumno/a en obradoiros de emprego dependentes de corporacións locais relativos a xestión turística: 0,20 puntos por mes completo de servizos prestados ata un máximo de 3,5 puntos, rexeitándose fraccións ou meses incompletos.

- Por servizos prestados en postos de animador/a turístico ou similar que leve consigo atención ao público noutros establecementos turísticos de carácter privado: 0,20 puntos por mes completo de servizos prestados ata un máximo de 3,5 puntos, rexeitándose fraccións ou meses incompletos.

A acreditación destes servizos realizarase mediante certificación expedida polo órgano competente das entidades locais nas que foron prestados os servizos, con indicación expresa do período de tempo en que os aspirantes que participan no concurso-oposición prestaron servizos para ela nos postos de animador/a turístico ou de director/a ou docente ou como alumno/a en obradoiros de emprego relativos á xestión turística no seu



ámbito municipal, e no caso doutros establecementos turísticos, copia do contrato e da vida laboral.

B) Formación académica e cursos de formación e perfeccionamento:

A puntuación máxima por este apartado será de 3,50 puntos.

Valoraranse as titulacións académicas e os cursos impartidos polo Instituto Nacional de Administración Pública, Escola Galega de Administración Pública, administracións públicas, escolas públicas oficiais de funcionarios/as, universidades e entidades que impartan actividades formativas con cargo a fondos de formación para o emprego.

Non se valorarán os diplomas relativos á realización de congresos, conferencias, seminarios, xornadas, simposios, encontros ou semellantes, nin aqueles cursos realizados con máis de 15 anos de antelación á data da publicación da convocatoria do concurso-oposición, a excepción dos cursos de iniciación e perfeccionamento do idioma galego aos que non se lles aplicará a presente limitación temporal pola súa equivalencia co CELGA.

Materias sobre as que deberán versar os títulos académicos e os cursos e puntuación máxima en relación a cada unha delas:

a) Titulacións (máximo 2,00 puntos):

- Por estar en posesión do título de grado, diplomado ou licenciado en empresas e actividades turísticas: 2,00 puntos.

- Por estar en posesión do título de graduado en turismo: 1,50 puntos.

- Por estar en posesión do título de técnico superior en guía, información e asistencia turística: 1,00 punto.

b) Cursos (máximo 1,50 puntos) en materia de guía, información, asistencia e animación turística (máximo 1,50 puntos):

- Por cada curso de 10 horas e ata 30 horas: 0,10 puntos.

- Por cada curso de 31 horas e ata 50 horas: 0,40 puntos.

- Por cada curso de 51 horas e ata 100 horas: 1,00 punto.

- Por cada curso de máis de 101 horas: 1,50 puntos.

A acreditación destes méritos realizarase mediante orixinal ou fotocopia compulsada do título, diploma ou certificado suficiente expedido polas institucións ou organismos que organizaron os cursos.

c) Coñecemento do inglés:

A puntuación máxima por este apartado será de 1,00 punto.

- Por estar en posesión do certificado das ensinanzas do nivel básico do idioma inglés: 0,25 puntos.

- Por estar en posesión do certificado das ensinanzas do nivel intermedio do idioma inglés: 0,75 puntos.

- Por estar en posesión do certificado das ensinanzas do nivel avanzado do idioma inglés: 1,00 punto.

No caso de que se posúan os certificados de nivel básico e intermedio, só se valorará o de nivel intermedio. Así mesmo, no caso de que a persoa candidata posúa os certificados de nivel intermedio e avanzado, só se valorará o de nivel avanzado.

A acreditación destes méritos realizarase mediante orixinal ou fotocopia compulsada do certificado acreditativo expedido polas administracións educativas.

Fase de oposición

A esta fase correspóndelle unha puntuación máxima de 12 puntos.

A oposición constará dunha proba escrita e dunha proba práctica, cada unha delas de carácter obrigatorio e eliminatoria.

a) A proba escrita consistirá en contestar a un cuestionario de 24 preguntas con 4 respostas alternativas, nun tempo máximo de 30 minutos, elaboradas polo tribunal inmediatamente antes do inicio da proba, das que só unha será correcta. As preguntas versarán sobre os recursos e o patrimonio turístico e cultural do Concello de Celanova.

Este exercicio ten carácter obrigatorio e eliminatorio. Puntuarase de 0 a 6 puntos, sendo necesario obter un mínimo de 3 puntos para superalo.

b) A proba práctica consistirá en realizar, no tempo que indique o tribunal cualificador, unha visita guiada aos elementos patrimoniais turísticos do Concello de Celanova que, así mesmo, sinala o tribunal cualificador. Valorarase a claridade de exposición, o nivel de coñecementos do patrimonio cultural e a súa historia e a didáctica do aspirante.

Este exercicio ten carácter obrigatorio e eliminatorio. Puntuarase de 0 a 6 puntos, sendo necesario obter un mínimo de 3 puntos para superalo.

Contra as presentes bases, que poñen fin á vía administrativa, pódese interpor alternativamente ou un recurso de reposición potestativo, no prazo dun mes a contar desde o día seguinte á publicación do presente anuncio, ante a Alcaldía deste Concello de Celanova, de conformidade cos artigos 123 y 124 da Lei 39/2015, de 1 de outubro, do procedemento administrativo común das administracións públicas, ou un recurso contencioso-administrativo, ante o Xulgado do Contencioso-Administrativo de Ourense no prazo de dous meses a contar desde o día seguinte á publicación do presente anuncio, de conformidade co artigo 46 da Lei 29/1998, de 13 de xullo, da xurisdición contencioso-administrativa. Se se optase por interpor o recurso de reposición potestativo, non poderá interpor o recurso contencioso-administrativo ata que aquel sexa resolto expresamente ou se producise a súa desestimación por silencio. Todo iso sen prexuízo de que poida exercitar calquera outro recurso que estime pertinente.

Celanova, 5 de xuño de 2017. O alcalde.

Asdo.: José Luis Ferro Iglesias.

Anuncio

Por acuerdo de la Junta de Gobierno de fecha 29 de mayo de 2017, se aprobaron las bases generales y específicas para la contratación laboral temporal a tiempo completo de un/de una trabajador/a desempleado/a para la realización de la obra/servicio "animador/a turístico para la oficina de turismo de Celanova", por el sistema de concurso-oposición, así como la constitución de la bolsa de trabajo.

Asimismo, se adjuntan las bases reguladoras de las pruebas selectivas:

Bases generales y específicas para selección y posterior contratación laboral temporal, a tiempo completo, de un/una trabajador/a desempleado/a para la realización de la obra/servicio "animador/a turístico para la oficina de turismo de Celanova", por el sistema de concurso-oposición.

A) Bases generales.

Primera.- Objeto de la convocatoria.

1. Es objeto de la presente convocatoria la contratación laboral temporal, a tiempo completo, de un/una trabajador/a desempleado/a para la realización de la obra/servicio "animador/a turístico para la oficina de turismo de Celanova", con una duración desde el 15 de junio de 2017, o fecha de alta en la Seguridad Social hasta el 15 de septiembre de 2017, al amparo de la Resolución de 29 de diciembre de 2016, de la Agencia Turismo de Galicia, por la que se establecen las bases reguladoras para la concesión, en régimen de concurrencia no competitiva, de subvenciones a ayuntamientos para el apoyo, promoción y difusión de las fiestas declaradas de interés turístico de Galicia, y se procede a su convocatoria para el año 2017.